

Universitätsbibliothek Paderborn

**Antonii Mariae Gratiani A Burgo S. Sepulchri Episcopi
Amerini De Vita Joannis Francisci Commendoni Cardinalis
Libri Quatuor**

Graziani, Antonio Maria

Parisiis, 1669

Cap. VI. In Poloniam Nuncius Apostolicus ad Regem mittitur.

urn:nbn:de:hbz:466:1-9616

*In Poloniam Nuncius Apostolicus ad Regem
mittitur.*

C A P U T V I .

CO M M E N D O N V M Tridento Venetias redire domesticæ iterum res coëgêre. Sed ne ea quidem diuturna mansio illi fuit. Nam Pontifex certior factus turbatas magnopere in Polonia res , periculûmque esse , ne hæreticorum factio , quæ tum maximè valens , ac vehemens (ut fere sunt acres primi desciscentium motus) ferebatur , per tumultum , ac seditionem statum illius Regni perverteret; tamquam si , vt quæque pars Reipublicæ ægrotare cœpisset , hujus mandanda curationi foret , Commendonus Patavio ; quò se ille tum contulerat , atque privatarum rerum curâ excitum in Poloniam protinus jubet proficisci , maneréque apud Regem , & dare operam , cùm vt pristinam sacrorum fidem à perditarum sententiarum contagione , quoad fieri posset , prohiberet : tum sacerdotum ordinem primas in Polonorum Senatu , ac Republica partes obtainentem , in quem maximè incurri ab seditionis illis , atque amentibus novarum opinionum auctoribus sciebat , ab impetu , atque injuria tueretur , Regem in officio retineret , atque ad amplectendam religionis Catholicæ causam excaret. Commendonus quamquam perexiguum ad

se comparandum spatum Pontifex concedebat, cupiens mature eum gentis conventui, quem tum maximè indictum cogi Varsaviam acceperat, intervenire; tamen magnâ adhibitâ diligentia paucioribus, quâm quos Pontifex præfinierat diebus, cùm reliquis rebus splendidè instructus, tum egregio comitatu, viæ se dedit. Semper quidem ille magnam curam in comitum, atque familiæ delectu habuit, ne quem secum duceret, non temporibus, non moribus suis congruentem. Sed tum eo majori quâm antea studio, quo in longinquiorem, & perturbatiorem Provinciam iturus erat, insignes ascivit viros, nulli in ea re impendio, aut sumptui parcens. In quibus excellentes litterarum, & doctrinæ laude fuere Paulus Emilius Joanninus exquisitâ, ac multipli- ci eruditione vir, qui postea Montaltensium Episcopus in Picentibus fuit; & Federicus Pendasius, summus ætatis ejus Philosophus, cuius non multò pôst ex ipsa Polonia magnâ propositâ mercede à Veneto Senatu, ut Patavii publicè Philosophiam doceret evocati, atque inde Bononiam translati, nomen inter cæteros acuminis, & ingeni famâ claruit. Commendonus igitur Patavio Novembri mense profectus, celeritate, quanta per ingruentem hyemem, impeditâsque multis rebus vias adhiberi potuit, iter intendens in Polonię, atque Varsaviam in tempore venit. Præcesserat magna de prudentia, ac virtute illius fama, cùm multorum gentis ejus hominum, quos

O iij

ipse antea amicitiâ , & consuetudine devinctos habebat, sermone, & litteris celebrata, tum maximè prædicatione Stanislai Hosii Cardinalis Varmiensis , vnius è Concilii Præsidibus , cui cum Commendono plurimus usus , & familiaritas intercedebat. Itaque & advenientem Chelmensis Episcopus , & Plocentium Palatinus primarii homines perornato , ac frequenti comitatu ad tertium ferme lapidem obviam Regis missu egressi cum omni humanitatis , ac benevolentiae significacione acceperunt ; & apud Regem ipsum singulari in honore , atque dignatione fuit. Vim enim illam ingenii , quæ in eo semper summa eni- tuit, atque virtæ integritatem , & modestiam Rex adeò suspexit , vt quamquam ipse cupiditatibus suis impotenter parere assuefset, tamen alienæ virtutis haud sanè obtrectator ; & diligere eum , & certè revereri magnopere visus sit.

De sacrorum disciplina in Polonia depravata.

C A P U T VII.

RE GNUM Poloniæ Sigismundus Rex Augusti hujus , ad quem Commendonus vene- rat , pater , diu temperato , justoque imperio ha- buerat , filioque moriens firmum , atque stabile reliquerat , vir cùm cætera rectus , & rei suæ probè gnarus , ac prudens , tum eximiâ , & constanti in